

**Pilimono
Polohanda Pilimonohondo beba
ogo gilibu wia hene
Mbuga ogoha gilibu
ngarunaga nemandi ogo**

Pilimono ibu Keriso hameiginini Kolosini hearunaga aria hene. Pilimononaga garabaya biabe ale bia haga mbira mini Onisimasi henego ibu pu yola halu pene. Ani pu yola henego maha aguabe tobahe ibuwa Polo ibu garabaya hearia nenege hinu hene. Onisimasi ibu Polola howa Keriso hameiginini hene. Keriso hameiginini hayagola Polohanda, Í anduane Pilimono karia dai bulene nga, lalu Onisimasi lamini. Ani lamuwa Polohanda Pilimonohondo beba gili buwa Onisimasi ibugua yalu pelo mini. Beba ogoniha bi gilibu wiyago galone ogo. Onisimasi ibu Kerisohondo mini mbiraore wu kago ibu garabaya biabe ale bia haga hangu ndo ibu Kerisoha howa í hamene heneneore kago manda buwa í keria dai bialu helo henge mialu habiya, labe lalu gilibu wia hene.

Bulu baga buwa kuni gilibu ngago

1-3

Polohanda bi ala lenego

4-7

Pilimonohondo kai lenego

8-22

Onisimasinaga la henego

23-25

Lamaro bialu lenego

¹⁻² I Polo Keriso Yasunaga biabe biahaga hewago hondowa marume i dariba hayago kogoni. Ibi ina hamene Timodibi iyame ina hameneore howa biabe mandagi beramali Pilimono ibi ina mbalini Abiabi Yasunaga ami agali Agibasabi Keriso hameigini i andaga ngoai hagarubi tíhondo beba ogo gilibu wia haraba.[◊]

³ Inanaga Aba Ngode Datagaliwabebi Anduane Homogo Yasu Kerisobi libunaga biamogo bia holenebi mo palia holenebi tíhondo ngilo hamelo ko.[◊]

Pilimononaga gubalini holenebi mini mbiraore wulenebi winigo ogo

⁴ Ina horo bibahendengi Ngode Datagaliwabehondo bi lalu howa i mitangi bialu kai laruli.[◊] ⁵ Irane ína Ngode Datagaliwabenaga wali agalihondo gubalini ho kegobi Anduane Homogo Yasuhondo mini mbiraore wu kegobi hale haru.

⁶ Ína mini mbiraore wu kegonaga mana wali agali maruhondo lamialu kegoni howa ina Kerisoha hogimbu bu kamagonaga turu holene tara tara ngaru manda biai hamiya Ngode Datagaliwabehondo bi ani lalu ko.[◊]

⁷ Hamene-o ínaga gubalini holene ngegome Ngode Datagaliwabenaga wali agali bibahendenga gubalini mo turu hai hari. Ani birigome i mo turu halu inaga mini mo hongo hari.[◊]

Polohanda Onisimasinaga la henego ogo

[◊] **1:1-2:** Eb 3.1, Kl 4.17, 2 Ti 2.3 [◊] **1:3:** Ga 1.3 [◊] **1:4:** Lm 1.8-9

[◊] **1:6:** Pb 1.9, Kl 1.9 [◊] **1:7:** 2 Ko 7.4, 7.13

⁸ Irene Kerisoha i ínaga hamene howa mbirale mbira bulene nga ale íhondo hongo howa, Harugo bia, labehe kogonigo.

⁹ Nde abule ina í gubalini timbuniore ho kogodago bame la hangu bero. Ani larogoni i Polo Keriso Yasunaga bi lamiaga kogoni hewaria marume dariba henego áyu garabaya kogoni howa ani laro.[✳]

¹⁰ I garabaya howa Onisimasi ibu Kerisohondo mini mbiraore wilo lowa Ngode Datagaliwabe mana lawai haru. Ani lawai harugola ibu mini mbiraore wiyago Kerisoha howa i iginiore kago ibunaga la haro.[✳]

¹¹ Ala ibu íla habane mbira nabulene hayago áyu nde ínagabi inagabi galone biaholene kagoni.

¹² Áyu í kegoria daibi larogo. Ibu ibiradagua inaga gubalini holene ibu heba ibilaro.

¹³ Bi mana debene lawai haruligonaga garabaya kogoni koria ína i biamogo biradagua Onisimasi ibugua bilo ibu íla, Haba, lole hame laru.[✳]

¹⁴ Anigo nde ína i biamogo bia naloleberogo íni bua biradagua dege bibe larogoni. Harugo mbira bia nalolebero. Íni hame lededagua bia labelo henge ngero.[✳]

¹⁵ Ina manda berogola Onisimasi ibu emene tigimandi hanguni pubagi ho hayagonigo nde abule horo bibahendeni ibu ínila haabo holeberabi.

¹⁶ Ai áyu ibu garabaya biabe ale biahaga hangu ndogo ibu Kerisoha howa iya hameneore kabagoni. Ibu hondo gubalini howa mitangi timbuni

^{✳ 1:9:} Pm 1 ^{✳ 1:10:} 1 Ko 4.15, Kl 4.9 ^{✳ 1:13:} Pb 2.30 ^{✳ 1:14:} 2 Ko 9.7, 1 Pi 5.2

ho kogoni. Ína ibu garabaya biabe ale biahagabi Anduane Homogoha ínaga hameneorebi ka mitangi buwa ibuhondo gubalini timbuniore ho holebere. [◊]

17 Ína iya mini mbiraore ho kabago manda biriyagua i eberogola turu holenedaguore Onismasi ibiragola turu halu haru dai bibe. [◊]

18 Ibugua íhondo kagua mbira biniyaguabi íla dano mbira heneyaguabi iha mo bade habe.

19 Ogoria ininaga gime gili berogo. I Polohanda yolo bia dai bulebero. Ina íhondo mo mitangi bia habe naheorego irane ínaga holene íhondo dano ho kegoni íní manda bidegoni. [◊]

20 Anigo inaga hameneore Anduane Homogo mitangi bialu i mo turu habe. Iya Kerisoha hamenela kaba manda bialu i mo wála habe.

21 Ina gili bialu howa manda berogola bi larugo hangu ndo bulebere. Maru biatago halu bulebere manda bido.

22 Ani bialu howa i balu paluene anda hobane mbira manda manda bibe. Irane tígua inaga Ngode Datagaliwabehondo bi la halu kamigo ibugua ladaí bialu i tíni kamiria haru dai bulebira lowa mini dunu bia ho kogoni. [◊]

Bi lamaro binigo ogo

23 Ebaborasa ibubi Keriso Yasunaga biabe biyangola garabaya binigo i heba kabago ibugua, Í mitangi bialu ko, laya. [◊]

[◊] **1:16:** 1 Ti 6.2 [◊] **1:17:** 2 Ko 8.23 [◊] **1:19:** Ga 6.11 [◊] **1:22:** Pb 1.25, 2.24 [◊] **1:23:** Kl 1.7, 4.12

²⁴ Agali maru i heba mandagi biabe biaga Maga Arisadagasa Dimasa Luguma tiguabi anidagua dege laya.[☆]

²⁵ Anduane Homogo Yasu Keriso ibunaga bi-amogo bia holene tíha wiaabo helo hamelo ko.

[☆] **1:24:** Ab 12.12, 12.25, 13.13, 15.37-39, 19.29, 27.2, Kl 4.10, 4.14, 2 Ti 4.10-11

**Habo nalolene bi gahenge lo winigo ogo
The Holy Bible with Deuterocanon in the Huli
Language of Papua New Guinea
Buk Baibel long tokples Huli long Niugini**

Copyright © 1983, 1991, 2002 Bible Society of Papua New Guinea

® Faith Comes by Hearing

Language: Huli

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-12-11

PDF generated using Haiola and XeLaTeX on 28 Dec 2024 from source files dated 31 Aug 2023

dbd89e09-6f1d-5903-a411-8b10e4e81fb7